

項之間妙好充滿相腠腋清淨悉皆充實相
 容儀圓滿端嚴殊妙相身相修廣端直相稱
 相體相縱廣量等周匝圓滿如諾瞿陀相其
 身上半如師子王威容廣大相身常放光面
 各一尋相具四十齒齊平淨密相四牙鋒利
 白逾珂雪相於諸味中得最上味相舌相廣
 薄徧覆面輪相梵音洪雅隨眾等聞相眼睫
 齊整猶若牛王相其目紺青鮮白紅環間飾
 皎潔相面如滿月雙眉皎淨如天帝弓相眉
 間白毫右旋宛轉如覩羅綿鮮白光淨相其
 頂上現烏瑟膩沙高顯周圓如天蓋相佛告
 比丘如是名為三十二相

佛說法乘義決定經卷中

七末

七末

更七

佛說法乘義決定經卷下

更八

夏譯經三藏明因妙善普濟諸賜紫荷金總持等奉 譯

亦時世尊復告勇猛甚深比丘言如來所現
 三十二相金色之身皆由過去修種種行之
 所感得亦為汝等分別解說時比丘眾唯然
 諦聽佛言所謂諸佛世尊經無量劫修菩薩

更八

行於戒禁忍及惠捨中善能安住堅固平等
 故感得足下平滿之相有情苦惱方便救護
 孝順父母嚴飾布施未嘗退轉故感得足下
 千輻輪文相給侍尊長塗身按摩沐浴衣服
 莊嚴之具未嘗退轉故由是感得手足柔軟
 相以四攝法饒益有情平等護念無有差別

由是感得手足指間金色網鞞相於諸尊長
 恭敬和順於他有情遠離損害及不與取能
 以妙法密護眾生由是感得手足諸指纖長
 圓滿相以方便智勸導覆護一切有情令修
 善行未嘗退轉故由是感得足跟廣長與跌
 相稱相足跟修高充滿柔軟與跟相稱相自

於正法如實攝受皆能了解廣為人說及正
爲他善作給使是故感得雙眸纖圓如翳泥
耶度王腠相修習善行無有懈倦今諸善法
展轉增長是故感得雙臂修圓平立過膝相
於被他擯無依有情能以正法慈悲攝受令
知慚愧是故感得密處深隱如龍象王相自

善觀察明智賢善樂欲親近唯一住故依一
支故入微義故又能蠲除客塵垢故是故感
得身諸毛孔一一毛生柔軟紺青右旋宛轉
相髮毛上靡柔軟紺青螺文右旋相能施悅
意法喜飲食騎乘衣服嚴飾之具資身什物
求離嗔恚由此感得身真金色皮膚薄潤塵

垢不任相廣以上妙餽饌飲食普施衆生皆
令充足由此感得其身七處皆悉平滿相於
諸有情隨所生起如法所作能爲上首而作
助伴離於我慢心無曠悞能爲有情興利益
事由此感得其身上半如師子王於一切事
稟性勇決又復感得有項圓滿膊腋充實容

儀端嚴身相修廣能自防護身語意業見疾
病人給施良藥於不平等事業皆不攝受於
界牙違能令隨順由此感得身相圓滿如諾
瞿陀常光一尋遠離一切破壞親友離間語
言設已乖離能以善言方便和合由是感得
具四十齒齊平淨密修廣大慈思惟法義由

更八

二

是感得四牙鋒利白逾珂雪愍念衆生猶如
一子方便救護給施醫藥由是感得於諸味
中得最上味遠離殺害修慈心故於廣大法
能正行故由是感得其頂上現烏瑟膩沙舌
相廣薄徧覆面輪常修諦語愛語法語及悅
意語由是因緣得大梵音言詞辯雅能悅衆
意於諸世間行大慈悲憐愍饒益一切有情
由是感得目紺青色睫如牛王見有德者如
實讚嘆稱揚其美由是感得面如滿月眉若
帝弓眉間白毫右旋宛轉鮮白光潔如觀羅
綿佛告比丘如是諸佛三十二相往昔因緣
應如是知比丘復白佛言云何世尊八十種

好佛言所謂世尊指爪狹長薄潤光潔世尊
 諸指纖圓臍直世尊手足各等指間充密世
 尊骨節深隱不現世尊手足如意柔軟世尊
 筋脉盤結深隱世尊兩踝俱隱不現世尊行
 步庠序如龍象王世尊進止儀雅猶如鵝王
 世尊右旋迴顧舉身隨轉如龍象王世尊肢

節臍圓妙善安布世尊容貌敦肅無有所畏
 世尊身支安定無有掉動世尊骨節交絡無
 隙猶如龍蟠世尊膝輪圓滿殊妙世尊密處
 清淨無垢世尊肢節稠密堅固世尊身相周
 匝端嚴世尊身光常自照耀世尊臍深圓妙
 殊異世尊臍厚不突不凸世尊身體光潔離

更八

三

垢世尊皮膚無疣癢等世尊手掌平滿潤澤
 世尊腹間方正柔軟世尊手紋深長明直不
 斷世尊脣色丹輝如頻婆果世尊面如滿月
 端嚴稱量世尊舌相廣長徧覆面輪世尊梵
 音圓滿猶如天鼓世尊鼻高脩直其竅不現
 世尊諸齒方整齊密世尊四牙鋒利鮮白世

尊目淨紺青青白分明世尊眼相脩廣如青
 蓮花葉世尊上下眼睫齊整稠密世尊雙眉
 不白長緻細軟世尊身分上半威嚴最上如
 師子王世尊額廣圓滿平正殊妙世尊耳厚
 脩長輪垂圓滿世尊兩耳綺麗齊平離諸過
 失世尊儀容能令見者無捨無染皆生恭敬

世尊雙眉綺靡順次其色紺青世尊雙眉高
 顯光潤猶如初月世尊首髮紺青修長稠密
 不白世尊首髮香潔細軟潤澤旋轉世尊首
 髮齊整光淨世尊首髮堅固不落世尊首髮
 塵垢不著世尊身分充實堅固世尊身相修
 長端直世尊諸竅清淨妙好世尊身相勢力

殊勝無與等者世尊身相衆樂瞻仰無有厭
 足世尊面輪脩廣相稱皎潔光淨如秋滿月
 世尊頰貌舒泰光顯含笑先言唯向不背世
 尊面貌光澤熙怡遠離顛蹙無青赤色世尊
 支體清淨無垢亦無臭穢世尊所有身毛孔
 中常出如意微妙之香世尊面門常出最上

殊勝之香世尊首相周圍妙好猶如天蓋世尊身毛光淨紺青如孔雀項紅輝綺錯世尊法音隨眾等聞應理無差世尊頂相無能見者世尊手足指節分明莊嚴妙好世尊行時其足去地如四指量而現印紋世尊自持不待他衛身無傾動亦不逶迤世尊威德遠震

一切嗔心見喜恐怖見安世尊音聲不高不下隨眾生意和悅與言世尊能觀諸有情類言音意樂而為說法世尊一音演說諸法隨有情類各令得解世尊說法咸依次第必有因緣言無不善世尊等觀諸有情類讚善毀惡而無愛憎世尊所為先觀後作軌軌具足

更八

四末

令識善淨世尊相好一切有情不能觀盡世尊頂骨堅實圓滿世尊顏容無衰老相世尊手足及胷臆前皆有吉祥喜旋德相佛告比丘如是名為八十種好尔時世尊說是經已復告勇猛甚深比丘言吾今所說法乘妙理決定之義所詮法要初中後善利益安樂汝

誦誦持敷演分別引導眾生令修梵行一食如法三衣具足住顯露處或住塚間或林樹下或空寂處修頭陀行常勤精進無有懈怠永離惑染究竟解脫時勇猛甚深比丘與俱來會中諸大比丘眾及天人阿修羅等一切大眾聞佛所說歡喜作禮信受奉行

佛說法乘義決定經卷下

更